

中國方志叢書·華中地方·第四六七號

據 永樂大典本 影印

江蘇省

# 南京



577/06

成文出版社有限公司印行



\*10098009\*

中華民國七十二年三月臺一版

南 京

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第一四三號

# 永樂大典卷之七千七百一

十九庚

## 京

地理通釋

### 南京

地理通釋唐肅宗寶曆至德二年改蜀郡為南京以荊州為南都州曰江陵府其百餘里為南京其後為百餘南京應天府開

牛會要

伯所居商丘周為宋國漢為梁國隋唐為宋州太祖以歸德軍節度使即位定有天下之號曰宋景德三年升應天府祥符七年升南京正統曰歸德高宗即位于此宋會要真宗景德三年二月詔曰惟陽與區平臺舊漢兩漢之盛並建於戚藩五代以還存升於節制地望雄於征鎮疆理接於神州實都畿近輔之邦乃帝業肇基之地恭惟聖祖誕慶鴻圖爰於歷試之初養頌元戎之寄詎誼所集符命存錄殆茲累朝俯同列郡式昭茂烈且錫崇名用彰神武之功且表興王之盛宜升為應天府宋城縣為次亦寧陵楚丘柘城下邑教熟虞城等縣並為次畿大中祥符七年正月二十九日詔曰惟水名區實一方之都會商丘與梁為三代之舊邦形勢表於山河忠烈存於風俗惟文祖之歷試蓋王命之初基今者仲欵謁於櫺庭

永樂大典卷七千七百一

燕吳地志

夏文莊公集

既揚茂則徇獲來於竹苑方需湛恩期克壯帝猷俾肇所京邑用志與王之  
地允符追孝之心應天府宜升為南京正殿以歸德為名咨爾都民承  
予世德慶靈所佑感悅良多二月一日詔名南京門曰崇禧雙門曰祥輝  
外西門曰迴鑿三日以主客郎中知應天府馬元方兼南京留守司事合  
置官屬名曰下審官院流內銓一如西京之式三月十三日詔名南京城  
大東門曰昭仁小東門曰延和小西門曰順成北門曰靖安新陽門曰承  
慶仁宗慶曆五年九月十八日置南京留司御史臺燕翼詒謀真宗皇帝  
東封西祀思顯先烈大中祥符七年正月乙卯詔升應天府為南京建行  
宮正殿以歸德為名以聖祖殿為鴻慶宮奉太祖太宗像侍立於聖祖之  
旁其後遂開高宗皇帝中興之祥殆非偶然者宋史列傳朱勝非靖康元  
年為東道副總管權應天府全人攻城勝非逃去會揚進破敵復還視事  
踰年詣濟州謁康王言南京為藝祖興王之址請幸之以圖大計王即位  
南京建炎改元夏文莊公集乞修南京內狀右臣伏覩大中祥符七年  
二月一日赦勅節文應天府升為南京正殿以歸德為名臣到職後躬詣  
大內謹視莞菴其正南內門上有先朝題其榜曰重熙頌慶之門樓皆損  
動其下只是休舊雙門未變到郡之制雖有兩觀堆堞又無朵樓內城之

中並無歸德之殿但是顏垣茂草內有真宗皇帝御製御書南京顏駢蹕詩碑石一片小屋遮蔽未曾建立其東北隅小亭子一座內有先皇御製御書駢蹕詩四首扮版門牆不嚴塵埃所間臣職在居守理合奏陳者伏以商丘仰當大火寶勢形勝佳氣鬱蔥藝祖肇基之邦聖朝根本之地發祥薦祉應天順人由七十里而與天乙是資於景毫崇三十世之王文昌始大於岐周用建名都寔陪上國與中天而對峙企洛宅以相望至于官局解居咸從改革而乃闕廷宮掖悉未繕修漢啓南陽之都唐重北門之館並資壯麗以示威神况茂陵之餘烈方宣真廟之鳴鑿未遠必欲仰模太紫上憲背隙備九寢之儀故千門之式慮煩力役或有費財任臣今乞依先朝勅旨只創歸德一殿安駢蹕詩版又以宮室之儀門闕為重猶取諸侯之制未成王者之都欲乞於南端闕正門三闕東西增築樓二座所貴它工至鮮不日可成仍乞選差八作司臣寮將帶工匠到此計度却於東京木場事造材植繫棧浮汴赴富京修蓋伏望聖慈特賜開可所貴宮闕之度稍合於彝章祖始之基蓋隆於景命有光鴻祚永膺皇圖歐陽公集南京謝上表 皇祐二年七月臣某言伏蒙聖恩就差臣知應天府兼南京留守司事臣已於今月二十四日赴上訖者守宮鑰之謹嚴敢忘夙夜

梅聖俞宛陵集

虞備專白  
許綸詩

洪适盤洲集

布政條之纖悉上副恩憂寄任非堪統營並集臣某中謝伏念臣賦才庸  
 薄稟數奇也。毀譽交興。兩嘗過實寵榮踰分。動輒招尤。念報效之未伸。敢  
 不竭忠而盡瘁。困風波之可畏。則思遠去以深藏。迨此六年外。更三守學  
 偷安而杜口。負素志以愧心。朽質易衰。已凋零於齒髮。良特難得尚希。恭  
 於功名。豈謂皇慈。未捐舊物。擢從支邵。委以名都。惟此列京。舊當孔道。簿  
 領少勤於職事。厨傳取悅於路人。苟循俗吏之所為。難能免過。非有古人  
 之大節。未足報君梅聖俞宛陵集送王宗說寺丞歸南京晏歲欲飛雪  
 滿天含凍雲。犯寒單騎。速獵吹紫裘。薰庭鵲。還先喜池。鴻去始聞公應問。  
 貧賤善說莫如君。送韓登判王汝選南京詩賀太極。奉天子甘泉祀。歡  
 聲決九圍。綠章馳騎入。朱服佩魚歸。賦雪上賓席。買紫更舞衣。清池無限  
 鴈。莫道信音稀。虞備專白堂集過南京三蘇當日振英華。下榻相看意  
 已佳。太息樂全無復見。舊廬聞屬女真家。許綸詩宿南京詩賀有兵  
 三十人。不城城下林。虛說胡屯五萬兵。淒涼無復舊南京。中天王氣終當  
 復。千古封疆只宋城。洪适盤洲集次韻南京道中密葉成陰行路寬。楊  
 鳴鶯轉足開。額半金泥滑。夜來雨數片。雲飛何處山。薄暮每尋梅。但共殘  
 春能伴神。旋還塵襟好。濯西湖水偷取。禪房一日閑。送到元忠學士還

曾丰詩

南京 昔見相公登瀛洲今見公子為校讎  
 鯤鵬變化三十載我生安得不白頭  
 君前拜恩父前慶暫向南都乘順流  
 南都留守頗為喜將吏入質靴聲過  
 酒并銀篋羊鬻炙上下和煦移涼秋  
 歸來却上柳堤路西風健馬控花虬  
 曾丰詩送孫莘老移知南京 稚年曾未  
 覩風標瀚海初聞捷俊髦國子先生曾  
 並席曾在胡先生講下蓬萊學士看揮  
 毫滿滄溟瀟灑吐千尋太華高述性妙  
 思窮孔孟公有十述述性是其一也指  
 南餘藻屈雄褒兩世之指魁談經落落  
 鑑道輝作五譯飛步僊僊踏海鷲試館  
 賦忠力敢前輕獲尾剛勝一决快吹毛  
 歸來有意成陶賦謫去無言吊楚騷志  
 不下人寧碌碌特非知我但蒼蒼吳江  
 春水尋幽寺知湖州越嶺秋風聽怒濤  
 移知福州宣室鬼神靈語斷長安鐘鼓  
 夢思勞廣陵南隔迷桑梓泗水東來照  
 節旄如徐州威愾四隅消警吠惠流比  
 屋樂耕課真仙應祝通特澤朽骨平寬  
 息夜號蕭洒幅巾忘夢覺清涼文室突  
 燻膏淮陽大節孤尤峻吏部雄材晚更  
 豪濫使執經稱弟子虛煩解榻下功曹  
 曾迷馬祖山前瘞煩悟葦亭水底滿細  
 扎忽聞吏舁翰高才俄見列弓刀照回  
 天于今方悟怒拂龍顏昔未遺屈指陪  
 京非久駐太平功業待伊舉遼史南  
 京折津府本古冀州之地高陽氏謂之  
 幽陵陶唐曰幽都有虞折為幽州

永樂大典卷七千七百一

三

尚併幽於冀。周分并為幽。職方東北幽州。山鎮醫巫閭。澤藪騶養。川河淨  
浸。蓄特其利魚鹽。其畜馬牛豕。其技黍稻。武王封太保奭于燕。黍以其地  
為漁。歸上谷。右北平。遼西。東五郡。漢為燕國。歷封臧荼。盧綰。劉建。劉澤。劉  
且常。置涿郡。廣陽國。後漢為廣平國。廣陽郡。或合于上谷。復置幽州。後周  
置燕。及范陽郡。隋為幽州。總管唐置大都督府。改范陽節度使。安祿山。史  
思明。李懷仙。朱滔。劉怱。劉濟。相繼割據。劉總歸唐。至張仲武。張允。仲。以上  
得氏。劉仁恭。父子。僭爭。遂入五代。自唐而晉。高祖以遼有援力之勞。割幽  
州等十六平以獻。太宗升為南京。又曰燕京。城方三十六里。崇三丈。衛廣  
一丈五尺。敵樓戰槽具八門。東曰安東。迎春。南曰開陽。丹鳳。西曰顯。西。清  
晉。北曰通天。拱辰。大內在西南隅。皇城內有景宗。聖宗御容殿二。東曰宣  
和。南曰大內。內門曰宣教。改元和。外三門曰南端。左掖。右掖。左掖改萬春。  
右掖改千秋。門有棧閣。毬場在其南。東為永平館。皇城西門曰顯。西。設而  
不開。北曰子北。西城頗有涼殿。東北隅有燕角樓坊。市廡舍寺觀。蓋不勝  
書。其外有居庸松亭。榆林之關。古北之口。桑乾河。高粱河。石子河。大安山。  
燕山中。有瑤興府。曰幽都。軍號盧龍。泰元年。落年額。統州六縣十一。兵  
衛志。南京。折津府。統縣十。轄軍府州城九。有丁五十六萬六千。全史地理。



志南京路國初曰汴京貞元元年更號南京府三領節鎮三防禦八刺史  
郡八縣一百五都城門十四曰開陽曰宣仁曰安利曰平化曰道遠曰宜  
照曰利川曰崇德曰迎秋曰廣澤曰順義曰迎朔曰順常曰廣智宮城門  
南外門曰南薰南薰北新城門曰豐宜橋曰龍津橋北門曰丹鳳其門三  
丹鳳北曰舟橋橋少北曰文武樓遵御路而北橫街也東曰太廟西曰郊  
社正北曰承天門其門五雙闕前引東曰登闕檢院西曰登闕鼓院檢院  
東曰左掖門門南曰侍漏院鼓院西曰右掖門門南曰都堂直承天門北  
曰大慶門門東曰日精門又東曰左昇平門大慶門西曰月華門又西曰  
右昇平門正殿曰大慶殿前有龍輝又南有丹輝又南曰少輝東廡曰嘉  
福樓西廡曰嘉瑞樓大慶後曰德儀殿殿東曰左昇龍門西曰右昇龍門  
正門曰隆德內有隆德鼓有蕭瑞有丹輝隆德殿左曰東上閣門右曰西  
上閣門皆南向鼓樓在東鐘樓在西隆德之次曰仁安門仁安殿東則內  
侍局又東曰近侍局又東則嚴祗門宮中則稱曰撒合門少南曰東樓則  
授除樓也西曰西樓仁安之次曰純和殿正寢也純和西曰雪香亭亭北  
則后妃位也有樓樓西曰瓊香亭亭西曰涼位有樓樓北少西曰玉清殿  
純和之次曰福寧殿殿後曰苑門內曰仁智殿有二太湖石左曰敦錫神

運萬歲奉右曰玉京獨秀太平巖殿曰山莊其西南曰翠微閣苑門東曰  
 德韶院院北曰翠峯峯之洞曰大滌滌翠東連長生殿又東曰湧金殿又  
 東曰蓬萊殿長生西曰浮玉殿又西曰瀛洲殿長生殿南曰闕武殿又南  
 曰內掖庫嚴祗門東曰尚食局又東曰宣徽院院北曰御藥院又北右掖  
 庫東則左掖庫宣徽院東曰點檢司司北曰秘書監又北曰學士院又北  
 曰諫院又北曰武器署點檢司南曰儀鸞局又南曰尚輦局宣徽院南曰  
 拱衛司又南曰尚衣局其南為繁禧門又南曰安泰門門與左昇龍門相  
 直東則壽聖宮兩宮太后位也本明俊殿試進士之所宮北曰徽音院又  
 北曰燕壽殿殿坦後少西曰振肅衛司東曰中衛尉司儀鸞局東曰小東  
 華門更漏在馬中衛尉司東曰祗肅門少東南曰將軍司徽音寺聖東曰  
 太后苑苑殿曰慶春與燕壽殿並小東華門與正東華門對東華門內正北  
 尚旣局其西北曰臨武殿左掖門北尚食局南曰宮苑司其西北尚輦局  
 湯藥局侍儀司少西曰符寶局器物局又西則撒合門也嘉瑞樓西曰三  
 廟正殿曰德昌東曰文昭西曰光興德昌後宣宗廟也宮西門曰西華與  
 東華相直北門曰安貞洪武志輿地志云鍾山古金陵山也縣邑之名由  
 此而立建康實錄云楚威王築城石頭置邑以其地接華陽金壇之陵故

號金陵於天文其星斗牛其次星紀秦始皇三十六年以金陵為鄣郡治故鄣三十七年東遊還過吳從江乘渡望氣者言五百年後金陵有天子氣因鑿鍾阜斷金陵長隴以通流至今呼為秦淮乃改金陵邑為秣陵縣諸葛亮所謂鍾山龍盤石城虎踞真帝王之宅漢承三代舊制置揚州統丹陽郡所領縣邑有今浙西浙東二道及浙東道之半吳晉宋齊梁陳代加分割隋立蔣州唐以隸潤州又改昇州管屬始隘於舊南唐建金陵府縣邑猶更屬不常宋初為江寧府改建康府始定有江寧上元句容溧水溧陽之地東西二百三十五里南北四百六十里東抵鎮江東南抵常州南抵寧國西南抵太平西抵和州西北抵真州以大江中流為界本朝應運肇基應天府實星紀斗牛之分且與三統之正相協自周以來數

十年間

帝王之運通符於今豈非曆數耶應天府志府境古揚州之域周顯王特越滅吳置金陵邑秦改為秣陵縣漢為丹陽郡地建安十七年改秣陵曰建業三國吳建都于此晉永嘉元年琅邪王睿鎮建業建興初避愍帝諱改建康元帝建都于此宋齊梁陳皆因之號京華神華隋平陳置蔣州治石頭唐為揚州又改江寧又改昇州吳改金陵府南唐建都于此以為西都

昇州江寧府宋為江寧府高宗建炎二年改曰建康府紹興二年以府治為行宮號行都元至元十二年開行中書省後改建康路天曆二年以文

宗儲邸改曰集慶

大明丙申年改應天府洪武元年立南京北京詔曰奉

天承運

皇帝詔曰朕建邦基以成大業興王之根本為先居中夏而治四方立國之規模至重自趙宋末世夷狄入主中國今百有餘載其運乃終羣雄紛爭未見有定于一者民遭塗炭亦已極矣朕以布衣當撥攘之際披身戎伍率

衆渡江

天地眷佑

祖宗積德臣下宣忠三軍用命西平陳友諒東滅張士誠南靖閩廣北有中原武功大集混一之勢已成十七年間糧儲軍須百物料徵頻煩尤甚民無休息者皆江左一方受供給之繁遂致天下收平寧之效民初有助於朕其可忘乎頃幸大梁詢及父老皆曰昔聖人居中國而治四夷天下咸服朕觀中原土壤四方朝貢道里適均父老之言乃合朕志可不從乎然立國之規模固大而興王之根本不輕以金陵大梁為南北京朕亦春秋往

洪武京城圖志

來巡狩駐守播告爾民使知朕意至於立

宗社建宮室定朝市南京既以創置矣北京其今有司次第舉行於畿江左間

基立四海永清之本中原圖治廣一視同仁之心故茲格示想宜知悉

洪武京城圖志春坊贊善王俊華圖志序 天地定位山川啓奧區之秘

宅中考卜河嶽壯金湯之固况乎神宰聖壤其所蓄也深則其待於今也大

聖人應期啓運故天發其旅地闢其會而體國經野之制固有以軼堽錫而跨

兩京者矣金陵控扼吳楚天整繚其西北連山拱其東南而龍蟠虎踞之

勢昔人之言蓋不誣也孫吳始創居之六朝南唐雜代有其地然而疆域

之廣未極其盛者意者天之所兆正有資於今日以啓一代王業之隆也

歟歲壬辰癸巳間天厭元德群雄並起

皇上龍興淮甸天戈南指吳越首入版圖乃默與神謀即定都于是辯方正位

立洪基造丕闢而郊鄒之蕭以定山若增而高水若增而深回抱環合獻

奇貢異而蒙光佳氣與斗牛星紀並麗乎太微帝車之間何其偉耶樹本

既固乃命將出師披山東下河南拔潼關而守之遂北推幽燕西臨汾晉

入陝右盡有秦隴之地凡元之餘燼皆來請命于庭故交廣之墟羌焚之

聚推結丹棠之區山排海航咸奉琛致貢方軌畢至而京師之壯增飾崇麗輪蹄交集絲管喧競歲時士女填郭隘邪其宏盛氣象度越今古豈區區偏方閭位之可媿擬哉雖然。

皇上經營締構蓋已極其盛矣然而遐方遠裔未覩其勝無以知

聖謨經綸之至矣詔禮曹命畫省貌以爲圖毫分縷折街衢巷隧之列橋道亭臺之苑名賢祠壘之嚴邃王侯第宅之華好星陳碁布地有顯晦而沿革不同名有古今而表著無異凡所以大一統之規模者可以一覽而盡得之矣圖成并致請梓且摹之以徧示四方使天下之人足跡未嘗一至者皆得親其勝槩亦若聞和鑿之音望鸞車之塵於鈞陳豹尾間也大矣哉皇上之英謀偉略何其深且至耶且俊華遭際

明時庇職春坊謹拜手稽首而言曰自古聖帝明王之有天下也若夏啟之禪繼周漢之龍興唐宋之紹承莫不奮自西北涂起而有中土然後始得而制東南耳

皇上不階尺土乃以吳越之疆席卷中夏冰天丹雘之域雕題金齒斷髮文身之屬莫不重譯而至嘉禾靈草諸福之物史不絕書天命之所係屬如是夫湛恩厚德亘千萬年

聖子神孫承承繼繼以保此無窮之基覽是圖首其尚有考於斯焉 又序詹事府丞杜澤

聖人代天理物為億兆之君師定天下之大業宅形勝之都邑不偶然也如克舜禹都冀成湯居商周都堂錫洛邑漢唐關中有宋居汴是皆統一海內以安黎庶此可見天降聖人有造設默定之意焉欽惟皇上當元綱糾紐之際合

上天更運之特應天順人特起中夏定都江左四征弗庭勝兵西上陳虜殲滅揚旗姑蘇張氏面縛天兵北討中原以清掃腥羶於幽荆殄么麼於蜀都群孽盡消京畿已固所謂大明當天而燭大燄也伏惟

皇上神聖聰明深謀遠略建泰山不拔之基為萬世無窮之計詳內略外經營邑都其龍蟠虎踞之勢長江衛護之雄群山拱翼之嚴此天地之所造設也若乃紫微臨

金闕煌煌黃道分玉街坦坦城郭延袤市衢有條六卿居左經緯以文五府處西鎮靜以武如十廟以祀忠烈十樓以待嘉賓此

皇上之所經制也以此觀之京師天下之本萬邦輻輳重譯來庭四海之所依歸萬民之所取正非遠代七朝偏據一方之可侔也

皇上萬幾之暇命工繪圖昭示天下且叨近侍之列仰瞻

天日之光幸觀斯圖不勝感戴一披而金陵形勝了然心目之間非若前代所

觀徒有其名而莫能考其實也嗚呼盛矣哉因拜手稽首繫之以詩曰地

闢天開金陵大哉帝居允諧鍾山巍巍

聖德光輝奄有九圍大江滔滔

聖德深高地載天包鍾山蒼蒼大江洋洋

聖德隆昌自西自東朔南承風車書混同天命諄諄

聖子神孫萬萬年春愚且拜手

聖皇萬壽天

長地久



原  
關



宮闕	奉天殿	華蓋殿	謹身殿	奉先殿	武英殿	文華殿	乾
清宮	坤寧宮	柔儀殿	春和殿	文樓	武樓	文淵閣	東角門
樓	西南角門樓	奉天門	東角門	西角門	中左門	中右門	後
左門	後右門	左順門	右順門	武英門	文華門	春和門	午
門	左掖門	右掖門	左闕門	右闕門	社街門	廟街門	端門
承天門	廟左門	社右門	長安左門	長安右門	洪武門	東	
華門	東上南門	東上北門	東安門	西華門	西中門	西上南	
門	西上北門	西安門	玄武門	北上東門	北上西門	北安門	
親蠶之門	已上皆宮門	朝陽	正陽	通濟	聚寶	三山	石城
清涼	定淮	儀鳳	鍾阜	金川	神策	太平	已上皆城門
波	高橋	上方	夾岡	鳳臺	大馴象	小馴象	大安德
德	江東	佛寧	上元	觀音	桃坊	仙鶴	麒麟
山川	鍾山	一名蔣山	在城東北	周迴六十里	高一百五十八丈	東連	
青龍山	西接青溪	南有鍾浦	下入秦淮	北接雉亭山	漢末有林陵	尉蔣子	
文選	蓋死	塋于此	吳大帝	為立廟	封曰蔣侯	大帝祖諱鍾	因改曰蔣山
石頭山	按輿地志	環七里	一百步	緣大江南	抵秦淮口	山上有城	因以

為名吳孫權修理因改曰石頭城今城於其上甃以磚石雄壯險固甚得  
 控制之勝覆舟山一名龍山一名龍舟山在今太平門內教場北周  
 迴三里高三十一丈北臨玄武湖狀若覆舟宋武帝又改名玄武山鷄  
 鳴山舊名鷄籠山在覆舟山西周迴十餘里高三十丈狀如鷄籠因名  
 今改鷄鳴山宋元嘉中立儒館於北郊命雷次宗居之今置園于學於山  
 之左又建浮圖于上以祠寶誌石灰山在城西北二十里周迴三十  
 里高十丈晉元帝渡江王導建幕府於此舊名幕府山上有虎跑泉仙人  
 臺獅子山在儀鳳門北與馬鞍山接周迴十餘里高三十丈又舊名

盧龍

國朝以其形名之馬鞍山在清涼門與石頭城相接西臨大江高十五丈  
 以形似得之青龍山在城東南二十餘里周迴二十里高九十丈  
 方山一名天印山在城東南三十里周迴二十餘里高一百一十六丈  
 四面方正如城秦始皇鑿方山長隴為瀆入江曰秦淮吳大帝嘗為葛玄  
 立觀于此聚寶山在聚寶門外雨花臺側上多細瑪瑙石因名聚寶  
 山今置欽天回回監于此牛首山舊名牛頭山狀如牛頭因名周迴  
 四十餘里高一百四十丈一名天闕山中有石窰不測淺深在西南二十

里劉宋南郊壇在焉。三山在城西南四十餘里舊三山磯周迴四十里。三峯連出大江東岸高二十餘丈吳津濟道也。太白詩云三山半落青天外即是。大江自京城西南來經西北東流入海。秦淮舊傳秦始皇時望氣者言金陵有天子氣東游以厭當之鑿方山斷壘為清入江故曰秦淮。玄武湖亦名蔣陵湖秣陵湖在太平門外周迴四十里晉元帝所浚以習舟師又名北湖宋元嘉中有黑龍見因改玄武湖有海南入于秦淮。太子湖一名西池吳宣明太子所浚晉明帝為太子脩西池多養武士於內築土為臺特人所為太子西池梁昭明植蓮於此。在鷄鳴山北。聽虹湖在佛寧門外。

國朝新開通江水於此泊舟以避風濤。清溪吳赤烏四年鑿東渠石清溪通城北整潮溝以洩玄武湖水舊有九曲今上元縣南迤邐而西循舊內府東南出至府學墻下皆清溪之舊曲通秦淮其竹橋玄津昇平復成淮清栢川鼎新斗門西虹內橋會同等橋皆此水所通。太平隄在太平門外。

國朝新築以備玄武湖水其下曰貫城以刑部都察院五軍斷事官在其西皆執法之司以天市垣有貫索星故名焉。玉潤在蔣廟側綠山澗是

東洞 在鍾山宋熙寺基之東 竹篠港 在觀音門外去城三十餘里

天地壇 在正陽門外山川壇東按古以南北二郊分祭掃地以行事

國初嘗因之風雨寒暑屢致弗調

皇上斷自衮衷以王者父天母地無異祭之理乃以

天地合壇而祭祀以

仁祖淳皇帝嚴以殿宇左右列壇以日月星辰岳鎮海瀆風雲雷雨山川太歲

歷代帝王天下神祇及府城隍之神從祀禮意極嚴定為萬世之制每歲

率以正月中旬親祀至為簡當自此年穀順成禎祥疊見社稷壇在

端門之右舊嘗分祭有乖禮意者多

皇上歷考古制互有不同以為五土生五穀所以養夫民者也分而祭之生物

之意若無所施於是合祭于一春祈秋報歲率二祀太廟在端門之

左龍江壇

國朝新建在金川門外凡

行幸出師親王之國則祀于此帝王廟

國朝新創凡古之聖帝明王下及歷代開基創業之君制治保邦之生能遺

法於後世者皆於此祀之廟在鷄鳴山陽城隍廟南唐在城西北元

在太廟街。

國朝初建斗門橋東今在鷓鳴山南。真武廟。宋太平興國二年置。在清

化市東。今徙鷓鳴山南。卞壺廟。卽卞將軍廟。舊在朝天宮西治城。晉

蘇峻作亂。尚書令卞壺與其二子盱眙死。難人謂忠孝萃于一門。南唐保

大中始建忠貞亭於其墓北。宋慶曆改亭曰忠孝。胡銓作記。

國朝建置鷓鳴山南。蔣忠烈廟。舊在蔣山之西北。神蔣姓。名子文。漢秣

陵尉。逆盜至鍾山。為賊所傷死。而為神。甚有異迹。在人。吳大帝為立廟。歷

代皆祀之。

國朝建于鷓鳴山南。劉越王廟。舊在上元縣東。相傳南唐劉仁贍廟也。

國朝建置鷓鳴山南。曹武惠王廟。舊在聚寶門外。王諱彬。謚武惠。宋開

寶中。統兵平江南。不殺一人。邦人感之。為立祠。

國朝建置鷓鳴山。元衛國公廟。公名福壽。元末為南臺大夫。

天兵下。建瘵死之。謚曰忠肅。

國朝為立祠。鷓鳴山南。春秋祀焉。功臣廟。

國朝建鷓鳴山南。凡本朝開國元勳。功在社稷。澤及生民者。則祀于此。五

顯廟。今建在鷓鳴山。闕羽廟。舊在針工坊。宋慶元年間建。今徙鷓

鳴山南。徐將軍廟。在獅子山。晏公廟。在定淮門外。無祀鬼神壇。在神策門外。

寺觀。靈谷寺。梁之開善寺。唐改寶公院。南唐改為開善道場。宋改太平興國寺。今名靈谷寺。徙鍾山東南。鷄鳴寺。在鷄鳴山。

國朝新建。置寶公塔於寺後之山巔。百福寺。在石灰山東。

國朝所建。善世寺。元龍翔寺。在會同橋北。今改善世寺。徙聚寶門外。能仁寺東。宋定林寺基。天禧寺。即古長干寺。宋名天禧寺。在聚寶門外。有塔。今名因之。能仁寺。舊在應天府學西。劉宋建名報恩寺。南唐改

為興慈院。宋改為能仁寺。今因之。徙聚寶門外。善世寺西。岩峯寺。在聚寶門外。能仁寺北。

國朝所建。西天寺。在聚寶門外。天禧寺東。

國朝所建。鐵塔寺。在朝天宮後岡上。宋太始中建。號延祚寺。唐時建塔

寺內。宋名寺曰正覺塔。曰普照。今有塔無寺。朝天宮。在建安坊西。吳治城。晉西州宋總明觀。楊行密建紫極宮。宋改天慶觀。元改永壽宮。今名朝天宮。下壺廟在其西。謝公墩在其北。神樂觀。在正陽門外。大祀壇西。



國朝新建以居高道為樂舞生者大祭祀俾之滌事。盧龍觀。在儀鳳門內獅子山。

國朝新建

官署。文職。宗人府。在承天門外御街東。吏部。在宗人府南。戶部。在吏部南。禮部。在戶部南。兵部。在禮部南。工部。在兵部南。刑部。在太平門外。都察院。在太平門外。通政司。在長安右門外公生門南。太常司。在後軍都督府南。詹事府。在翰林院南。應天府。在舊內西錦綉坊內。元御史大夫宅。光祿司。在內城西。翰林院。在長安左門外公生門南。太醫院。在詹事府南。欽天監。在太常司西其測候臺在鷄鳴山。欽天回監。在聚寶門外其測候臺在聚寶山。五軍斷事官。在太平門外。西城。在三山門外西關北街。北城。在更鼓樓北。南城。在聚寶門外。上元縣。宋在城東隅。今仍舊治。江寧縣。舊在聚寶門外西街。越城之側。今徙銀作坊內。係舊府治。行人司。在會同館西北。儀禮司。在長安街內南。僧錄司。在天禧寺。道錄司。在朝天宮。

鑄印局。在禮部門內南。文思院。在大中街西。營繕所。在栢川  
 橋北。宣課司。一在聚寶門外。一在龍江關。都稅司。在大中街  
 巡檢司。一在江東渡。一在龍江渡。茶引所。在都稅司東。抽  
 分場。一在瓦屑堤。一在龍江關。教坊司。在行人司南。  
 武職。中軍都督府。在承天門外御街西。左軍都督府。在中軍都  
 督府南。右軍都督府。在左軍都督府南。前軍都督府。在右軍都督  
 府南。後軍都督府。在前軍都督府南。十二衛。錦衣衛。旗手旗  
 全吾前衛。全吾後衛。羽林左衛。羽林右衛。府軍衛。府軍左  
 衛。府軍右衛。府軍前衛。府軍後衛。虎賁左衛。在京各衛。神  
 策衛。虎賁右衛。號騎右衛。天策衛。豹韜衛。飛熊衛。鷹揚衛  
 廣武衛。典武衛。英武衛。龍驤衛。留守中衛。留守左衛。留守  
 右衛。留守前衛。留守後衛。瀋陽左衛。瀋陽右衛。龍江左衛。  
 龍江右衛。水軍左衛。水軍右衛。廣洋衛。龍虎衛。鎮南衛。江  
 陰衛。應天衛。和陽衛。武德衛。橫海衛。  
 教場。在覆舟山南。即晉成帝北郊壇基。  
 文武官朝房。在長街左右門外南北街。倉庫司局。鑿為庫。在長

安左門外。軍儲倉。在鼓樓西馬鞍山下及各衛營。黃冊庫。在玄武湖洲上。火藥局。在淮清橋街北。舊馬公洞基。資源局。在大梁。

芍東。鞍營皮作軍器類料等局。在太平街西。

橋梁。大中橋。即古之白下橋也。在通濟門裏。今名大中橋。淮清橋。在大中橋西南一里許。通泰水。舊名東水。開。今名淮清橋。鎮淮橋。在聚賢門裏。吳特南津橋也。名曰朱雀航。今名鎮淮。新橋。在今雜伎。

一坊號騎衛口。本名萬歲橋。又改名飲虹橋。新橋。乃吳特所名。至今俗呼為新橋。襲其舊也。內橋。舊名天津橋。又名虹橋。即六朝舊內門也。在宋行宮前。今名內橋。在中城兵馬指揮司西南。太平橋。在鼎新橋裏。與建安坊相對。舊名欽化。又呼筴橋。古傳茅山苴宗師所建。宋改太平橋。今因名之。鼎新橋。在太平橋西。舊名小新橋。宋改鼎新。今因名馬。

大市橋。在中城兵馬司西。舊名西虹橋。今名大市橋。會同橋。在大市橋南。舊名閃駕橋。宋名景定橋。今名會同橋。跨運瀆水。昇平橋。舊名東虹橋。在上元縣西。今名昇平橋。乾道南北二橋。在今斗門橋北。二橋相望。即古運瀆水道。今仍舊名。高橋。在通濟門外。吳皋伯通所建。因名其橋曰皋。後人轉皋為高。今因之。斗門橋。在今三山街近三。

山門。即運清水閘。今仍舊名。崇道橋。在朝天宮東。今仍舊名。大通橋。在今長安西門外。金水河所出。

國朝新建。通濟橋。在通濟門外。即古運清泰淮水也。今仍舊名。武定橋。在今織錦三坊內。今仍舊名。中和橋。在正陽門外。

國朝新建。江東橋。在今江東門外。國朝新建。來賓橋。在今聚寶門外。

國朝新建。善世橋。在今聚寶門外。來賓街西南。玆珠橋。在今洪武街。玆珠河水上。昔陳後主沈舟。遇雨浮溢。生宮人指之曰。滿河玆珠。因名焉。韓橋。在觀音門外。去城東北三十里。重譯橋。在聚寶門外東。

重譯街。即古烏衣巷。朱雀橋也。今名重譯。

國朝新建。上浮橋。在新橋西。國朝新建。下浮橋。在上浮橋西北。

國朝新建。長安橋。在聚寶門外。古長干橋。五代楊洵城金陵。鑿濠引泰淮。統城。今名長安橋。玄津橋。在

皇城西。後成橋北。國朝新建。竹橋。跨清溪水上。在。

皇城西南對栢川橋北通太平門。栢川橋在通濟街。復成橋在玄津

橋南既壞而復成之因以名焉。北門橋在洪武街舊北門口。童橋

在上方橋東南。上方橋在中和橋東南。毛翁渡在聚賢門外

无骨埧南。晉顏榮與陳敏戰於此處榮以白毛羽扇麾軍因名。毛翁渡後

訛稱毛翁渡今名因之。江東渡在江東門外。舊名平家圩渡。今名

江東渡。无骨埧舊毛翁渡。

街市。長安街在

皇城西長安門外。即舊白下橋東。大通街在大中橋東南。接通濟門北通

竹橋。里仁街在大中橋西。宋程明道張南軒書院故基。今名里仁街。

存義街在里仁街西。宋上元縣學故基。特雅街在存義街西。

和寧街在特雅街西。中正街在和寧街西。廣藝街在上元縣

西舊名細柳坊一名武勝坊。敦化坊在中城兵馬司六朝內城基。其

西元建龍翔寺。今天界寺故基。裕民坊在太平門北街。舊真武廟街。

建安坊在鼎新橋北街。俗呼下街。善政坊在大中橋西。舊名九

曲坊。務公街在善政坊西。舊名青溪坊。致和街在務公街西。舊

清平橋街。大市街在中城兵馬司西。故天界寺門外。舊名夾道街。

全節坊。在朝天宮西舊名忠孝坊。晉下壺死節處。今名全節坊。織錦  
 一坊。在聚寶門內舊桐樹灣街。織錦二坊。在鎮淮橋北舊國子監  
 街。織錦三坊。在織錦二坊北舊闕王廟巷。大中街。在針工坊北  
 舊狀元坊。雜役一坊。在聚寶門內鎮淮橋南沙河街。雜役二坊  
 在鎮淮橋北舊竹街。雜役三坊。在雜役二坊北建業坊。鞍轡坊  
 在雜役三坊北。銀作坊。在鞍轡坊北舊金陵坊。鐵作坊。在弓匠  
 坊東舊小本頭街。弓匠坊。在鐵作坊西舊舉子巷。禮匠坊。在弓  
 匠坊西舊水道巷。習藝東街。在習藝西街東。習藝西街。在皮作  
 坊東舊土街。皮作坊。在習藝坊西舊評事街。洪武街。在北門橋  
 東。英靈坊。在十廟西。成賢街。在國學前。太平街。在太平門  
 南。大市。在大市街舊天界寺門外物貨所聚。大中街市。在大中  
 橋西。三山街市。在三山門內斗門橋左右特果所聚。新橋市。在  
 新橋南北魚菜所聚。來賓街市。在聚寶門外竹木柴薪等物所聚。  
 龍江市。在金川門外柴炭等物所聚。江東市。在江東門外多聚客  
 商船隻米麥貨物。北門橋市。在洪武門街口多賣鷄鵝魚菜等物。  
 長安市。在大中橋東。內橋市。在舊內府西聚賣羊隻牲口。六畜

場 在江東門外買賣馬牛驢騾猪羊鷄鴨等畜 上中下塌房 在清涼門外七寶殿正布帛茶鹽紙蠟等貨 草鞋夾 在儀鳳門外江邊七集棧木。

樓館 會同館 在長安街西四方進貢使客所居 烏蠻驛 在會同

館西以待四夷進貢使人 龍江驛 在金川門外大江邊 江東驛 在江東門外大江邊 客店 一在長安街口 一在竹橋北 一在通

濟街西 一在江東門內南北街以待四方客棧 鼓樓 在今北城兵

馬司東南俗名馬黃泥岡 鐘樓 在鼓樓西

酒樓 江東樓 在江東門西對江東渡 鶴鳴樓 在三山門外西關

中街北 醉仙樓 在三山門外西關中街南 集賢樓 在毛盾琪西

衆民樓南 樂民樓 在集賢樓北 南市樓 在三山街皮作坊西

北市樓 在南乾道橋東 輕煙樓 在江東門內西關南街與澹粉樓

相對 翠柳樓 在江東門內西關北街與梅妍樓相對 梅妍樓 在

江東門內西關北街與翠柳樓相對 澹粉樓 在江東門內西關南街

與輕煙樓相對 詠歌樓 在石城門外與鼓腹樓並 鼓腹樓 在石

城門外與詠歌樓並 來賓樓 在聚寶門外來賓街與重譯樓相對

重輝樓 在聚寶門外與來賓樓相對 叫佛樓 在三山街北即陳朝進奏院故址宋改報恩光孝觀今即其地 爲叫佛樓 駱駝亭 在靈谷寺西南 郵鋪 一在通政司 一在鼓樓 一在應天府 一在安德門外 一在太平門外 養濟院 在金川門外 富樂院 一在武定橋東南舊鹿苑寺基 一在聚寶門外東街 拘欄 一在武定橋東 一在會同橋南

廐牧 牧馬千戶所 在朝陽門外 馴象千戶所 在正陽門外 養席房 在聚寶門外 猪羊六畜園 一在江東渡口 一在龍江渡口

園圃

國家逾年海運積儲及隄防沿海倭寇其成造船隻所用桐油棕纜皆出於民馬費甚重

皇上矜恤民力乃經營布置於朝陽門外蔣山之陽建立園圃廣植棕桐漆樹各數千萬株所以備

國家之用而省民供也 漆園 在桐園北 桐園 在漆園南 棕園

在桐園東

南京賦并子蕭鉉 漢班固作東西都賦鋪張兩漢之盛千載而下讀者



如身歷闕洛之間而目睹高光之規模也

皇明定都金陵金陵在楚威王特占者以爲有天子氣後雖六朝建都僅保東

南未能混一區宇皆未足以當是氣之盛從

聖天子定鼎以來東取三吳南平江漢西收隴蜀北清沙漠奄有六合禮作樂  
興帝王統緒絕而復紹衣冠文物墜而復振整頓乾坤再造中夏曠古以  
來未之有也王氣之應其在

聖朝明矣夫物之久而後成者物必大而堅也氣之蘊蓄久而後發者其氣必  
綿延悠久盛大而無窮也

京師王氣占於二千餘載以前而應在二千餘載之後

聖朝億萬年盛大之業於此見矣茲謹學爲

南京賦因指筆墨成文假爲問答以發其意焉賦曰  
管城子與子墨客  
卿偕楮先生而登乎著作之庭觀

帝鄉之佳氣美

聖代之龍興管城子首起而請曰壯哉南京地勢天成爲帝王州今古所無然  
而建鄴建康金陵秣陵几幾更而定於今日應天之美名在昔六朝建都  
相仍至於今日而天下一家四海咸寧豈天造地設政有待於

皇明乎。子墨客卿曰。子知其一。未知其二。昔在荆楚威王之世。太史所占。此有王氣。爰開內府。輦金就瘞。彼欲以人而勝天。適見楚人之未智。由吳而晉。系朝相繼。未有混六合而為家。用中夏而變夷。則王氣之盛。彼皆何足以當之。且觀夫層城屹立。上出雲霧。老石嵯峨。鎮壓江許。直兮若奮而欲前。曲兮若回而返顧。早兮若有俟而蹲高。方兮若有起而怒。所以像猛獸於秋方。表都城之神武。茲其所謂石城。惟萬年而虎踞者歟。至若青山巔。屹峙乎雲端。大阜拱乎

皇居。方如神物養道而不動。辟茲立於城際。方如頭角。斬焉而爵。盤削芙蓉。方高峯走。蜿蜒兮長巒。作擎天方。一柱孕神秀。方兩間。茲其所謂鍾山。亘萬古而龍蟠者歟。又如長江西來。下經洪都。匯為鄱湖。出于小孤。蓄怒滿悍。合川與漢。洪濤漲天。青無畔岸。至于龍灣。洶湧瀾漫。茲其所謂天塹。昔人望之而興歎者歟。既為支江。連城盤迴。橫以關梁。相望崔嵬。經乎水門。引乎城中。溝渠流灌。湖汊相通。萬里舟航。旣橋蔽空際。天薄海。靡不來同。是以三吳為其東府。荆蜀為其西戶。南有嶺海之險。北有河濟之固。青山遠聳。若圍直之遙。分翠壁。傍擁方。如厚藩。其重護。崇岡脊起。平阜四迤。今居衆大。古稱佳麗。東南都會。天下形勢。民秀常居。手第一。士勇實富。手百

二。思昔六朝既歇。天運未回。夕陽落烏衣之巷。浮雲蔽鳳凰之臺。蓋后皇  
蓄其奇而不發。將火閔而大開。厥後戰馬嘶風。群方鼎沸。積骸如山。穢腥  
天地。

聖皇赫怒。義旗斯起。臨江按劍。鯨波如砥。開門送款。生民有

主。定鼎于茲。永固根柢。已而東征西怨。敵無堅壘。掃除殘暴。天下同軌。然後  
開新城。拓邦畿。倚肆阜建。

皇基不必茅茨。以昭儉。不必壯麗。以重威。宮牆環遠。龍闕聳飛。為人間之天上。

法星象於太微。碧瓦煥朝陽而共耀。瑤階與夜月以同輝。奉天弘開。高臨

五雲。青龍翼翼。手內殿。玄武赫赫。手北門。

聖人以天下為重。而堂曰大本。

聖人不自以為聖。而教曰謹身。環珮珊瑚。雲氣飄來於僊仗。

冕旒穆穆。日華絢彩。於彤庭。東則青宮高明。

儲君所居。廣廈細櫺。育德詩書。究典禮於姬周。講心法於唐虞。紅雲開兮寶

殿。宮花明兮綺疏。脩問安之至敬。踵聖王之弘模。外則中書之堂。丞相之

府。是為鳳凰之池。式褒夔龍之武。為十官考。表率使百俊。芳時叙。六卿分

職。理政事之振機。四海晏安。見變調之丕緒。爰聞督府兵事。攸歸風動雲

與如虎如龍飛將集而鐵城戾止三邊靜而羽檄不飛白日耀光於甲冑  
蛟蛇舞影於旌旗府衛森嚴克張

皇威並列崇臺提惠之綱冠白簡烈日秋霜馳馬踈蹕乎秋風柏鳥翔舞乎  
朝陽表正百司令肅萬方又若史官載筆詞翰之林推誥其文金石其音  
載立碑雍湯湯其流天下俊髦來歌來游禮樂之司天文之署高壁大僕  
百職具舉雍雍鸞鳳之儀濟濟鴛鴦之侶莫不環拱

皇居承恩

帝所左則清廟於榜曾構宮光禘嘗尊

祖峻奔百僚南建負丘北開方澤天地定位百神受職歷代帝王儀容儼飭有  
德有功總歸廟食歆于神人萬世丕式爾乃御溝溶溶逸手宮牆長橋卧  
晴虹之枕恩波耀紅旭之光天連

御路地轉長廊雲集方有街會同方有坊爾公爾侯甲第出雲高門大宅  
表其華勛下達閭閻生齒孔殷接棟連甍隘手通城地因表著營以衛分  
崇墉屹屹廣路迢迢四門既開重譯來朝行人駕肩於廣市舳舻街尾於  
闕橋雲起北山灑滂天之霖雨風生滄海送及特之信潮若乃江山之奇  
風景之勝地勢之雄人物之盛所以壯四海之游觀播名賢之歌詠並天

地以流傳亘古今而莫盡者皆有待於  
皇明之受命也故知天地儲祥于茲有年應在

明時孰云不然吾方與子游乎禮義之林樂乎熙皞之天播頌聲於  
昭代托金石而永傳管城子聳然而聽釋然而悟稽先生曰卿言得矣猶有

所未盡也夫天祐中原冠裳禮義者而為夷夫豈天意天以

聖皇紹中華之正統開萬世之太平變左衽而衣裳易推髻而冠中制禮作樂  
惠此烝民整頓乾坤天地一新萬世一特千載

一人夫豈山河之險能為其重輕言未既二子憮然拜且謝曰微先生言知不  
足以及此夫運氣回於天而

聖皇當其會王氣應於地而

聖朝當其特固不待金乎城湯乎池而開萬億年之丕基也 蘇伯衡詩

天作山川奠

帝京大江為塹石為城安西事業資吳漢治內人材得孔明牧馬已空燕地草  
射雕敢近漢家營功成不用論封禪自有鳧鷖頌太平

聖主當陽御六龍真成垂拱定華戎十年遙見文明盛五緯行瞻次舍同穀旦  
稽田稽古典成王周業始幽風告成又見行封賞共喜天山早挂弓

聖心淵默事彌綸，朝御乾清夕謹身。王氣萬年當建業，龍光半夜起天津。自緣

願著成功速，終見殊方送款頻。甘露頌成齊入奏，蒼龍闕下候雞人。苟

樂名花簇坐圓，詞林龍遇眼中稀。論思惟日趨三殿，奉引常時近六飛。半

夜金蓮天上賜，幾回玉佩月中歸。青袍多幸微班忝，愧無能補舜衣裨。

來復詩南京四首 龍虎山河御氣通，遙瞻

帝闕五雲紅，英雄盡入江東籍。將帥多收薊北功，禮樂日稽三代盛。採航歲貢

萬方同，都將儉德熙文治。淳俗應還太古風，黃道天清擁佩珂。東南王

氣林陵多，江吞彭蠡來三蜀。地接昆侖帶九河，鳳閣曉霞紅散綺。龍池春

水綠生波，華夷混一歸。

真主端拱無為保太和，列郡徵材起俊髦。萬機獨使

聖躬勞，開藩上相頌龍節。破虜將軍說豹韜，地入黃圖三輔壯。天垂華蓋七星

高，迎春別賜瑤池宴。捧進金盤五色桃，曙鍾催入紫宸朝。列炬流虹映

絳霄，天近鼉頭花簇仗。風低豹尾樂鳴韶，衣冠一變無夷

俗。律令曾頒有正條，昨日鍾山甘露降。瓊璫滿賜出宮瓢。

永樂大典卷之七千七百一